

**BOSNA I HERCEGOVINA  
FEDERACIJA BOSNE I HERCEGOVINE  
URED ZA REVIZIJU INSTITUCIJA U FBiH  
SARAJEVO**

Ložionička 3, 71 000 Sarajevo, Tel/Fax: + 387 (0) 33 723 550, www.vrifbih.ba, e-mail: urrevfed@bih.net.ba, vrifbih@vrifbih.ba

(Bosanski jezik)

**IZVJEŠTAJ O POSLOVANJU  
UREDA ZA REVIZIJU INSTITUCIJA U FBiH  
za 2009. godinu**

**Sarajevo, februar 2010. godine**



## SADRŽAJ

1	UVOD.....	1
2	NADLEŽNOSTI UREDA ZA REVIZIJU.....	1
3	ZAKONSKI OSNOV ZA RAD UREDA .....	2
3.1	Aktivnosti u odnosu spram Parlamentarne komisije odgovorne za reviziju.....	3
4	ORGANIZACIJA UREDA ZA REVIZIJU.....	3
5	URED GENERALNOG REVIZORA I ZAMJENIKA GENERALNOG REVIZORA .....	4
5.1	Učešće u radu Koordinacionog odbora.....	4
5.2	Stručni kolegij Ureda za reviziju .....	5
5.3	Kontrola kvaliteta rada .....	5
6	REVIZIJA FINANSIJSKIH IZVJEŠTAJA.....	6
6.1	Sektor za finansijsku reviziju institucija Federacije BiH.....	9
6.2	Sektor za finansijsku reviziju institucija kantona .....	11
6.3	Sektor za finansijsku reviziju zavoda, fondova, općina i agencija .....	12
6.4	Sektor za finansijsku reviziju javnih preduzeća .....	13
6.5	Revizijsko mišljenje u revizijskim izvještajima .....	15
7	SEKTOR ZA REVIZIJU UČINKA.....	16
8	SEKTOR ZA INFORMACIONU TEHNOLOGIJU .....	16
8.1	Implementacija IT strategije i ostale IT aktivnosti .....	17
8.2	IT revizija u funkciji finansijske revizije.....	17
9	ODJELJENJE ZA PRAVNE I OPĆE POSLOVE.....	18
9.1	Kadrovi .....	18
9.2	Javne nabavke.....	19
10	ODJELJENJE ZA FINANSIJSKO-RAČUNOVODSTVENE POSLOVE.....	20
10.1	Finansijsko poslovanje Ureda za reviziju u 2009. godini .....	20
10.2	Izvršenje budžeta Ureda za reviziju za 2009. godinu .....	21
11	ODSJEK ZA LJUDSKE RESURSE, KOMUNIKACIJE I MEĐUNARODNE ODNOSI .....	22
11.1	Edukacija uposlenih .....	22
	11.1.1 Eksterna edukacija uposlenih.....	22
	11.1.2 Interna edukacija uposlenih .....	23
	11.1.3 Ostala edukacija uposlenih .....	23
11.2	Komunikacijska politika .....	23
11.3	Međunarodna saradnja.....	24
12	OSTALA SARADNJA UREDA ZA REVIZIJU .....	25
13	OSTALE AKTIVNOSTI UREDA ZA REVIZIJU.....	25
14	ZAKLJUČNI REZIME .....	26



## 1 Uvod

Vrhovna institucija za reviziju institucija u Federaciji Bosne i Hercegovine (Ured za reviziju institucija u Federaciji Bosne i Hercegovine) dužan je u skladu sa Zakonom o reviziji institucija u FBIH («Službene novine FBIH» br. 22/06), podnijeti Godišnji izvještaj o aktivnostima, koji pored informacija o poslovanju Ureda za reviziju institucija u FBIH (u daljnjem tekstu: Ured za reviziju) sadrži i finansijski izvještaj Ureda za reviziju.

Godišnji izvještaj o aktivnostima Ureda za reviziju dostavlja se Parlamentarnoj komisiji odgovornoj za reviziju.

U 2009. godini Ured za reviziju je, kroz provođenje revizija, osigurao nezavisna mišljenja o izvršenju budžeta i finansijskim izvještajima, korištenju resursa i upravljanja državnom imovinom od Vlade FBIH, budžetskih institucija u Federaciji Bosne i Hercegovine i javnih institucija u Federaciji Bosne i Hercegovine, na koji način je doprinio pouzdanom obavještavanju o korištenju budžetskih sredstava, transparentnom i kvalitetnom upravljanju javnim prihodima, troškovima i imovinom u Federaciji Bosne i Hercegovine.

Ured za reviziju je, u protekloj godini, blagovremeno informirao odgovorne institucije i javnost o svojim nalazima i preporukama, kroz pravovremeno i javno objavljivanje revizijskih izvještaja.

Kao nepolitična institucija, Ured za reviziju je, u izvršavanju svojih nadležnosti, poštivao principe objektivnosti, nepristrasnosti, nezavisnosti i pouzdanosti, uz svakodnevnu primjenu općeprihvaćenih međunarodnih i domaćih standarda revizije. Vodič za reviziju javnog sektora, Vodič za kontrolu kvaliteta revizije, Etički kodeks za revizore u javnom sektoru, Procedure i smjernice za provođenje revizije, samo su neki od ključnih dokumenata, kojih se pridržava revizijsko osoblje i koji su ujedno i garant za postizanje kvaliteta revizijskog rada i izvještavanja.

## 2 Nadležnosti Ureda za reviziju

Nadležnost Ureda za reviziju, u skladu sa odredbama Zakona o reviziji institucija u FBIH obuhvata sve javne institucije u Federaciji Bosne i Hercegovine.

### 1. Obavezne revizije

- a) Parlament Federacije Bosne i Hercegovine;
- b) Predsjednik Federacije Bosne i Hercegovine;
- c) Vlada Federacije Bosne i Hercegovine i njena ministarstva;
- d) Vanbudžetska sredstva koja mogu biti uspostavljena zakonom (na federalnom nivou);
- e) Javni fondovi, zavodi i agencije (na federalnom nivou);
- f) preduzeće u kojem država ima vlasnički udjel od 50% plus jednu dionicu ili više (na federalnom novou).

---

2. Revizije koje se provode u ovisnosti od raspoloživih finansijskih sredstava odobrenih Budžetom Federacije Bosne i Hercegovine

- a) Skupštine i vlade kantona na teritoriji Federacije Bosne i Hercegovine uključujući izvršenje kantonalnih budžeta;
- b) Općine na teritoriji Federacije Bosne i Hercegovine;
- c) Sve budžetske institucije koje se direktno finansiraju iz budžeta koje usvajaju parlament, skupštine kantona i općinska vijeća;
- d) Vanbudžetska sredstva koja mogu biti uspostavljena zakonom (na kantonalnom nivou);
- e) Sredstva koja su kao zajam ili grant za Bosnu i Hercegovinu osigurana nekoj instituciji, ili projektu u Federaciji Bosne i Hercegovine od međunarodnih tijela i organizacija;
- f) Sredstva osigurana iz budžeta bilo kojoj drugoj instituciji, organizaciji ili tijelu;
- g) preduzeće u kojem država ima vlasnički udjel od 50% plus jednu dionicu ili više (na kantonalnom i općinskom nivou).

Kod naprijed navedenih institucija Ured za reviziju nadležan je za:

- finansijske revizije,
- revizije učinka i
- specijalne revizije.

Ured za reviziju je svoje aktivnosti i zadatke u 2009. godini izvršavao u skladu sa usvojenim Planom i programom rada za 2009. godinu.

Prema spomenutom Planu u 2009. godini izvršena je revizija finansijskih izvještaja korisnika Budžeta u FBiH, budžeta kantona, vanbudžetskih fondova, agencija i preduzeća sa većinskim državnim kapitalom. U 2009. godini nastavljeno je obavljanje dviju revizija učinka, koje su okončane krajem 2009. godine.

U skladu sa zakonskom obavezom, Ured za reviziju je podnio Javni izvještaj o reviziji Budžeta u FBiH za 2008. godinu Parlamentu Federacije BiH, a konačni izvještaji o izvršenoj reviziji finansijskih izvještaja ostalih revidiranih korisnika za 2008. godinu dostavljeni su nadležnim organima i menadžmentu.

Svi izvještaji objavljeni su na Internet stranici Ureda za reviziju [www.vrifbih.ba](http://www.vrifbih.ba). Pored toga, Ured za reviziju je putem press-konferencija i drugih medijskih oblika izvještavanja upoznao javnost, poreske obveznike i druge zainteresirane subjekte sa nalazima Ureda za reviziju, u pogledu trošenja i upravljanja javnim novcem.

### **3 Zakonski osnov za rad Ureda**

Zakonom o reviziji institucija u FBiH («Službene novine FBiH» br. 22/06), su uređeni pravni položaj i sjedište, glavne funkcije Ureda za reviziju, rukovođenje, nadležnosti i ovlaštenja, osiguranje kvaliteta rada, izvještavanje i objavljivanje izvještaja, finansiranje, kao i druga pitanja od značaja za rad ove specijalizirane nezavisne revizijske institucije u FBiH.

Internim propisima, pravilima i procedurama Ureda za reviziju uređeno je funkcioniranje i rad Ureda za reviziju.

### 3.1 Aktivnosti u odnosu spram Parlamentarne komisije odgovorne za reviziju

Prema Zakonu o reviziji institucija u FBiH regulisane su uzajamne obaveze Ureda za reviziju prema Parlamentarnoj komisiji odgovornoj za reviziju i Parlamentarne komisije prema Uredu za reviziju.

Ured za reviziju je u 2009. godini ispoštovao sve obaveze prema Parlamentarnoj komisiji odgovornoj za reviziju, a predstavnici Ureda za reviziju su učestvovali i u radu sjednica Parlamentarne komisije, kada se na Dnevnom redu Parlamentarne komisije raspravljalo o revizijskim izvještajima.

U 2009. godini predstavnici Ureda za reviziju prisustvovali su sjednicama Parlamentarne komisije odgovorene za reviziju, na kojima se raspravljalo o izvještajima Ureda za reviziju. Pored toga, Parlamentarna komisija odgovorna za reviziju u 2009. godini aktivno se uključila u rješavanje pitanja finansijske neovisnosti Ureda za reviziju i nedostatka budžetskih sredstava (prema usvojenom Budžetu FBiH za 2009.) za nesmetani rad Ureda za reviziju, sa zahtjevom upućenom Federalnom ministarstvu finansija da se, prilikom izrade rebalansa Budžeta Federacije BiH za 2009. godinu, izvrši korekcija, u skladu sa vrijednostima koje je odobrila Parlamentarna komisija odgovorna za reviziju (prema tački 1. člana 5. Zakona o reviziji institucija u Federaciji Bosne i Hercegovine). Parlamentarna komisija je, također, uzela učešće u rješavanju (već izvjesno vrijeme jako izraženog problema u Uredu za reviziju) nedostatka poslovnog prostora i svojim Zaključkom donesenim na sjednici u julu 2009. godine urgentno se obratila Vladi Federacije Bosne i Hercegovine i Službi za zajedničke poslove organa i tijela FBiH da hitno iznađu odgovarajuće rješenje za prevazilaženje problema nedostatnog poslovnog prostora Uredu za reviziju, kako bi nesmetano mogao obavljati svoje zakonski utvrđene nadležnosti. Ovaj problem u 2009. godini nije riješen i Ured za reviziju, u ovom izvještaju, skreće pažnju na nužnost rješavanja poslovnog prostora, koji svakim danom postaje sve složeniji. Parlamentarna komisija odgovorna za reviziju u 2009. godini održala je ukupno 13 sjednica, koje su bile posvećene radu Ureda za reviziju i revizijskim izvještajima o obavljenim revizijama u skladu sa Zakonom o reviziji institucija u Federaciji Bosne i Hercegovine, Međunarodnim INTOSAI revizijskim standardima i usvojenim Godišnjim planom i programom rada Ureda za reviziju institucija u Federaciji Bosne i Hercegovine za 2009. godinu.

## 4 Organizacija Ureda za reviziju

Organizacija Ureda za reviziju uređena je Pravilnikom o unutrašnjoj organizaciji i sistematizaciji radnih mjesta.

Poslovi iz nadležnosti Ureda za reviziju u 2009. godini vršeni su u okviru slijedećih organizacijskih jedinica:

- Ured generalnog revizora i zamjenika generalnog revizora;
- Sektor za finansijsku reviziju institucija Federacije BiH;
- Sektor za finansijsku reviziju institucija kantona;
- Sektor za finansijsku reviziju zavoda, fondova, općina i agencija;
- Sektor za finansijsku reviziju javnih preduzeća;
- Sektor za reviziju učinaka;
- Sektor za informacionu tehnologiju;
- Odjeljenje za pravne i opće poslove;
- Odjeljenje za finansijsko-računovodstvene poslove;
- Odsjek za ljudske resurse, komunikacije i međunarodne odnose.

---

## 5 Ured generalnog revizora i zamjenika generalnog revizora

U Uredu generalnog revizora i zamjenika generalnog revizora Ureda za reviziju, u protekloj godini obavljani su najsloženiji poslovi iz nadležnosti Ureda za reviziju. Svi poslovi i zadaci koji su utvrđeni Planom i programom rada Ureda za reviziju za 2009. godinu izvršeni su blagovremeno. Sa rezultatima revizije, u toku protekle godine, Ured za reviziju je kontinuirano obavještavao nadležne institucije i organe, kao i sveukupnu javnost.

Pored redovnih aktivnosti uspješno su realizirani i drugi poslovi i zadaci koji su se javljali u toku godine, a nisu obuhvaćeni Planom i programom rada Ureda za reviziju.

Na osnovu realizacije Plana i programa rada Ureda za reviziju za 2009. godinu, i drugih aktivnosti koje su se paralelno odvijale uz redovan proces rada, sačinjen je ovaj izvještaj o radu Ureda za reviziju institucija u FBiH za 2009. godinu.

### 5.1 Učešće u radu Koordinacionog odbora

Zakonom o reviziji institucija Bosne i Hercegovine („Službeni glasnik BiH“, broj 12/06), Zakonom o reviziji institucija u Federaciji BiH („Službene novine FBiH“, broj 22/06) i Zakonom o reviziji javnog sektora Republike Srpske („Službeni glasnik RS“, broj 98/05) uspostavljen je Koordinacioni odbor vrhovnih institucija za reviziju BiH (u daljnjem tekstu: Koordinacioni odbor).

U skladu sa spomenutim zakonima, propisane su nadležnosti Koordinacionog odbora: Uspostavljanje konzistentnih vodiča i uputstava zasnovanih na Međunarodnim INTOSAI revizijskim standardima; Razmjena profesionalnih iskustava i težnja ka obezbjeđenju konzistentnog kvaliteta revizije; Organizacija i koordinacija razvojnih aktivnosti sva tri VRI-a u BiH; Dodjeljivanje revizijske odgovornosti za zajedničke aktivnosti; Određivanje predstavljanja u međunarodnim tijelima.

Generalni revizor i zamjenik generalnog revizora Ureda za reviziju institucija u FBiH su članovi Koordinacionog odbora i svoje aktivnosti, u tom tijelu u 2009. godini, provodili su u skladu sa Programom rada Koordinacionog odbora za 2009. godinu, koji je baziran na usvojenom Strateškom planu razvoja vrhovnih revizijskih institucija u BiH za period 2008-2012. godina.

Koordinacioni odbor, a time i Menadžment Ureda za reviziju institucija u FBiH, su svoje aktivnosti u 2009. godini posebno usmjerili na: dosljednu primjenu Međunarodnih INTOSAI revizijskih standarda; ujednačavanju akata i pravilnika u sva tri VRI-a, dogradnju pravnog sistema na području državne revizije; jačanje samostalnosti i nezavisnosti; izradu zajedničkih planova stručnog osposobljavanja revizijskog osoblja i njihovoj realizaciji; zajedničko predstavljanje i učešće u međunarodnim institucijama i udruženjima vrhovnih revizijskih institucija u Evropi i svijetu sa svrhom korisne razmjene iskustava i ujednačavanja metoda rada.

Generalni revizor i zamjenik generalnog revizora Ureda za reviziju su, u sklopu djelovanja kroz rad Koordinacionog odbora, pratili aktivnosti na radu formiranih mješovitih radnih grupa iz tri VRI-a u BiH, u cilju izrade i ujednačavanja akata, izrade/ažuriranja vodiča za reviziju javnog sektora, vodiča za kontrolu kvaliteta revizije, Vodiča za IT strategiju, Načela revizije učinka, različitih uputstava, smjernica, politika i sličnih akata, čijim je usvajanjem ostvaren preduslov da vrhovne revizijske institucije u BiH na ujednačen način izvršavaju svoju misiju i obaveze propisane zakonom, u skladu sa međunarodnim standardima revizije.



## 5.2 Stručni kolegij Ureda za reviziju

Stručni kolegij Ureda za reviziju obrazovan je 2003. godine radi razmatranja i zauzimanja stavova o načelnim i drugim značajnijim pitanjima iz djelokruga rada Ureda za reviziju i davanja prijedloga i mišljenja generalnom revizoru i zamjeniku generalnog revizora.

Prema Poslovniku o radu Stručnog kolegija Ureda za reviziju (inoviran 2008.godine) uređen je način rada i sastav Stručnog kolegija Ureda za reviziju institucija u FBiH u užem smislu i Stručnog kolegija Ureda za reviziju institucija u FBiH u širem smislu. (U daljem tekstu: Stručni kolegiji Ureda).

Sve značajnije aktivnosti Ureda za reviziju u prošloj godini analizirane su na sastancima stručnih kolegija Ureda i o njima su zauzimani stavovi.

Pod rukovodstvom generalnog revizora i zamjenika generalnog revizora, Stručni kolegij u užem smislu, u protekloj godini održao je 10 sastanaka na kojima su, razmatrani i usvojeni Plan i program rada Ureda za reviziju institucija u FBiH za 2010. godinu i Izvještaj o poslovanju Ureda za reviziju za 2008. godinu. Pored toga, Stručni kolegij je razmatrao i zauzimaio stavove o pripremnim dokumentima za obavljanje revizija; izvještajima izvršenih revizija (nacrti i konačni izvještaji); zatim o stručnim pitanjima koja su se javljala u postupku revizije; pitanjima o stručnoj obuci i usavršavanju uposlenih; nacrtima dokumenata i drugih propisa i općih akata iz nadležnosti Ureda za reviziju; finansijskom planu i realizaciji budžeta Ureda; svim važnijim pitanjima iz oblasti rada Ureda i načinu izvršavanja poslova i svim drugim složenijim pitanjima, koja su odredili generalni revizor i zamjenik generalnog revizora Ureda za reviziju.

## 5.3 Kontrola kvaliteta rada

Ured za reviziju kontinuirano prati i posebnim aktima reguliše da rad Ureda za reviziju bude u skladu sa važećim revizijskim standardima, pravilima i važećim propisima i vrši procjenu primjene i funkcionisanja predviđenog sistema i mjera sistema kontrole kvaliteta.

U 2009. godini Ured za reviziju je, pored obavljanja svakodnevnih poslova i zadataka, provodio aktivnosti na usavršavanju i prilagođavanju organizacije rada, načina rada i osiguranja sistema kontrole kvaliteta.

Ured za reviziju je, u 2009. godini revizije obavljao u skladu sa usvojenim (krajem 2008. godine) novim Vodičem za reviziju javnog sektora, kao jedinstvenim dokumentom, u čijoj izradi su učestvovali predstavnici vrhovnih revizijskih institucija u BiH (Ured za reviziju institucija BiH; Ured za reviziju institucija u FBiH; Glavna služba za reviziju javnog sektora RS) i koji se istovjetno primjenjuje u ovim revizijskim institucijama. Uz primjenu Vodiča za reviziju, kojim je utvrđena metodologija revizijskog rada, revizori Ureda za reviziju usmjereni su na ekonomično, efikasno i uspješno obavljanje revizije. Pored toga, primjenom Vodiča u toku rada, postiže se objektivno, nepristrasno, nezavisno i sigurno revizijsko mišljenje.

Također je, po istom principu zajedničkog rada tri vrhovne revizijske institucije u BiH, izrađen Vodič za kontrolu kvaliteta revizije, koji je, također, usvojen krajem 2008. godine, sa početkom primjene na revizije koje će se provoditi u 2009. godini. Svrha ovog dokumenta je da osigura da vrhovne revizijske institucije u BiH, revizijski rad obavljaju na profesionalan način uz visoko kvalitetan rezultat/izvještaje. Ovim dokumentom se također, osiguravaju smjernice o institucionalnim mjerama za unapređenje kvaliteta koje

---

se naročito odnose na upravljanje ljudskim resursima, institucionalnim rizicima i vanjskim odnosima. Vodičem za kontrolu definisan je značaj kontrole kvaliteta, posebno pouzdanost rezultata revizije, objektivnost provođenja iste, okvir revizije, vremenski okvir, jasnost, efikasnost i efektivnost.

Vodičem za kontrolu kvaliteta utvrđeni su principi kvaliteta VRI u BiH. Upravljanje kvalitetom revizije na nivou institucije; Kontrola kvaliteta; Monitoring kvaliteta i Procjena kvaliteta.

## **6 Revizija finansijskih izvještaja**

U skladu sa Zakonom o reviziji budžeta u FBiH i usvojenim Planom i programom rada Ureda za reviziju za 2009. godinu, izvršena je revizija finansijskih izvještaja: Budžeta FBiH, budžeta kantona, izvanbudžetskih fondova, općina, agencija i preduzeća sa većinskim državnim kapitalom. Krajem 2009. godine kod 28 federalnih budžetskih korisnika, 9 kantona, 12 javnih preduzeća i 8 izvanbudžetskih korisnika i općina izvršena je prethodna revizija finansijskih izvještaja za 2009. godinu, kojom je obuhvaćeno i praćenje primjene preporuka iz prethodne revizije, kao i analiza mjera poduzetih na osnovu tih preporuka.


Ured za reviziju, u skladu sa usvojenim revizijskim standardima, prilikom vršenja revizije, pregleda finansijske izvještaje i pripadajuće račune institucija kod kojih se vrši revizija, sa ciljem procjene da li su finansijski izvještaji pouzdani i da li bilansi u potpunosti odražavaju rezultate izvršenja budžeta.

Ured za reviziju, također, procjenjuje da li rukovodioci institucija primjenjuju zakone i propise i da li sredstva koriste za odgovarajuće namjene sa ocjenom finansijskog upravljanja, funkcije interne revizije i sistem interne kontrole.


Prema utvrđenim procedurama, nakon obavljene revizije finansijskih izvještaja, klijentima su dostavljeni nacrti izvještaja o izvršenoj reviziji finansijskih izvještaja sa datim mišljenjem i ostavljenim rokom za očitovanje, na koje su subjekti revizije, po svojoj ocjeni, mogli dati primjedbe na konstatacije o utvrđenim nepravilnostima i nedostacima. Nakon očitovanja, odnosno po isteku ostavljenog roka, sačinjavani su konačni izvještaji o izvršenoj reviziji finansijskih izvještaja, u koje su inkorporirane osnovane i dokumentovane primjedbe, date od strane klijenata na nacрте izvještaja. Konačni izvještaji o izvršenoj reviziji finansijskih izvještaja dostavljani su nadležnim organima i menadžmentu. Osim izvještaja o izvršenoj reviziji, menadžmentu klijenata dostavljana su i pisma u kojim su isti obavještavani o utvrđenim nepravilnostima manje značajnosti, sa preporukama za otklanjanje istih.

U slijedećoj tabeli daje se prikaz revidiranih subjekata po godinama (2003-2009 godina). U 2009. godini izvršena je revizija 68 finansijskih izvještaja za 2008. godinu i 2 revizije učinka kod korisnika navedenih u koloni 9.

R.br.	Subjekt revizije	Revidirani subjekti u 2003. godini	Revidirani subjekti u 2004. godini	Revidirani subjekti u 2005. godini	Revidirani subjekti u 2006. godini	Revidirani subjekti u 2007. godini	Revidirani subjekti u 2008. godini	Revidirani subjekti u 2009. godini
1		3	4	5	6	7	8	9
1	<b>Federalne institucije</b>	40	26	24	26	33	28	<b>29</b>
2	<b>Kantoni i kantonalne institucije</b>	10	11	9	12	12	12	<b>10</b>
3	<b>Općine</b>	9	1	-	1	3	3	<b>13</b>
4	<b>Vanbudžetski korisnici</b>	2	6	8	11	6	7	<b>2</b>
5	<b>Javna preduzeća</b>	2	10	14	15	10	8	<b>14</b>
6	<b>Specijalne revizije</b>	3	1	3	1	-	-	-
7	<b>Revizije učinka</b>	-	-	-	-	1	-	<b>2</b>
	<b>UKUPNO</b>	<b>66</b>	<b>55</b>	<b>58</b>	<b>66</b>	<b>65</b>	<b>58</b>	<b>70</b>



### Grafički prikaz revidiranih subjekata po godinama



## 6.1 Sektor za finansijsku reviziju institucija Federacije BiH

Revizija konsolidovanih finansijskih izvještaja Budžeta FBiH za 2008. godinu, provedena je na način da je izvršena revizija finansijskih izvještaja planiranih korisnika Budžeta FBiH za 2008. godinu i o istim sačinili pojedinačne izvještaje, te revizija finansijskih transakcija Budžeta, koje se evidentiraju isključivo kroz Glavnu knjigu Trezora (budžetski prihodi, raspodjela prihoda budžeta, servisiranje unutrašnjeg duga i vanjski dug). Ured za reviziju je izvršio reviziju finansijskih izvještaja Budžeta FBiH i 28 korisnika Budžeta FBiH za 2008. godinu ili 46,77 % od ukupnog broja korisnika federalnog budžeta, u skladu sa Godišnjim planom i programom rada Ureda za 2009. godinu. Također, treba naglasiti da je od ukupno planiranih sredstava Izmjena i dopunama Budžeta FBiH za 2008. godinu u iznosu od 1.833.614.878 KM revidirano 1.695.684.272 KM ili 92,47 %. Pored 24 subjekta revizije, koji su revidirani u skladu sa Zakonom o reviziji, odabir ostalih revidiranih subjekata izvršen je na osnovu njihove značajnosti i veličine, iznosa sredstava odobrenih Budžetom za 2008. godinu, kao i činjenice da li su isti revidirani u prethodnom periodu i dato revizijsko mišljenje o finansijskim izvještajima. Revizije su izvršene u periodu od novembra 2008. godine do maja 2009. godine. Obavljene revizije uključile su i praćenje provedbe preporuka iz prethodnih revizija, o čemu su upoznati budžetski korisnici pismenim, ili usmenim putem.

U konačnim izvještajima o izvršenim revizijama, po pojedinim budžetskim korisnicima, dati su nalazi i preporuke, kao i neovisna revizijska mišljenja o tome, da li finansijski izvještaji istinito i objektivno, po svim bitnim pitanjima, prikazuju stanje imovine i obaveza na dan 31.12.2008. godine, rezultate poslovanja i izvršenje budžeta korisnika budžeta za fiskalnu 2008. godinu, u skladu sa posebnim propisima o računovodstvu i finansijskom izvještavanju u javnom sektoru. Konačni izvještaji o izvršenim revizijama, prije dostavljanja Parlamentu FBiH, u skladu sa zakonskim propisima, bili su upućeni korisnicima budžeta na uvid i očitovanje. U ostavljenom roku, svi revidirani subjekti su se očitovali na dostavljene izvještaje. Primjedbe, koje su bile osnovane i dokumentovane, inkorporirane su u konačne izvještaje. Međutim, može se konstatovati da većina primjedbi i prigovora nije prihvaćena iz razloga što isti nisu bili dokumentovani, odnosno isti su se svodili na obrazlaganja, pojašnjenja, ili pravdanja konstatovanih nedostataka. Konačni izvještaji, također, su dostavljeni Predsjedniku FBiH, Vladi FBiH (u daljem tekstu: Vlada), kao i Federalnom ministarstvu finansija (u daljem tekstu: Ministarstvo finansija). Nakon dostavljanja konačnih izvještaja Parlamentu FBiH, isti su objavljeni na internet stranici Ureda za reviziju: [www.vrifbih.ba](http://www.vrifbih.ba). Dati nalazi i preporuke pružaju poreskim obveznicima objektivnu informaciju o potrošnji javnih sredstava, a Parlamentu FBiH pouzdan i realan pokazatelj finansijskih kretanja.

U slijedećem tabelarnom prikazu daje se pregled budžetskih korisnika i datih mišljenja o finansijskim izvještajima za 2008. godinu:

Redni broj	Naziv korisnika budžeta	Iskazano mišljenje					Očitovanje subjekta revizije
		Bezuslovno	Isticanje predmeta	Uslovno	Nepovoljno	Suzdržano	
1	Budžet Federacije BiH				X		NE
2	Dom naroda Parlamenta FBiH			X			Da
3	Zastupnički dom Parlamenta FBiH			X			Da
4	Zajedničke službe Parlamenta FBiH			X			Da
5	Ured Predsjednika Federacije BiH			X			Da
6	Ured Dopredsjednika Federacije BiH			X			Da
7	Ured Dopredsjednika FBiH			X			Da
8	Vlada Federacije BiH			X			Da
9	Služba za zajedničke poslove organa i tijela FBiH			X			Da
10	Federalno ministarstvo unutrašnjih poslova			X			Da
11	Federalna uprava policije			X			Da
12	Federalno ministarstvo pravde			X			Da
13	Federalno ministarstvo finansija			X			Da
14	Federalna poreska uprava			X			Da
15	Federalno ministarstvo energije, rudarstva i industrije			X			Da
16	Federalno ministarstvo prometa i komunikacija			X			Da
17	Federalna direkcija za civilnu avijaciju			X			Da
18	Federalna direkcija za izgradnju, upravljanje i održavanje autocesta				X		Da
19	Federalno ministarstvo zdravstva			X			Da
20	Federalno ministarstvo trgovine		X				Da
21	Federalno ministarstvo prostornog uređenja			X			Da
22	Federalno ministarstvo poljoprivrede, vodoprivrede i šumarstva			X			Da
23	Federalno ministarstvo za pitanje boraca i invalida odbrambeno oslobodilačkog rata			X			Da
24	Federalno ministarstvo razvoja, poduzetništva i obrta			X			Da
25	Federalno ministarstvo rada i socijalne politike				X		Da
26	Federalno ministarstvo kulture i sporta			X			Da
27	Federalno ministarstvo raseljenih lica i izbjeglica			X			Da
28	Federalno ministarstvo obrazovanja i nauke			X			Da
29	Federalno ministarstvo turizma i zaštite okoliša			X			Da
	UKUPNO	0	1	25	3	0	28

Kao što se vidi, iz naprijed navedene tabele, u izvještajima o izvršenim revizijama finansijskih izvještaja za 2008. godinu (Budžeta FBiH i 28 budžetskih korisnika) dato je jedno mišljenje sa isticanjem predmeta, 25 uslovnih mišljenja i 3 nepovoljna mišljenja

Od 29 revidiranih korisnika, 28 se očitovalo na nacрте revizijskih izvještaja u ostavljenom roku.

Struktura datih mišljenja u izvještajima o izvršenoj reviziji finansijskih izvještaja za 2008. godinu korisnika federalnog budžeta, kao i u prethodne tri godine, daje se u slijedećoj tabeli:

Mišljenje	2005. godina		2006. godina		2007. godina		2008. godina	
	Broj	%	Broj	%	Broj	%	Broj	%
<b>Pozitivno</b>	0	0	1	3,00	1	3,6	<b>0</b>	<b>0</b>
<b>Isticanje predmeta</b>	0	0	0	0	2	7,1	<b>1</b>	<b>3,5</b>
<b>Uslovno</b>	16	61,5	24	72,7	25	89,3	<b>25</b>	<b>86,2</b>
<b>Negativno</b>	10	38,5	8	24,3	0	0	<b>3</b>	<b>10,3</b>
<b>Suzdržano</b>	0	0	0	0	0	0	<b>0</b>	<b>0</b>
<b>Ukupno</b>	26	100	33	100	28	100	<b>29</b>	<b>100</b>

## 6.2 Sektor za finansijsku reviziju institucija kantona

Provedenom revizijom izvještaja budžeta u 10 kantona za 2008. godinu revidirano je ukupno 2.117.998.887 KM. Ukupan broj uposlenih u svih 10 kantona, čije su se plaće finansirale iz budžeta kantona je 49.257 uposlenika (Kanton Sarajevo 10.549 uposlenika; Tuzlanski kanton 9.989; ZE-DO kanton 8.294; Unsko-sanski kanton 5.482; Hercegovačko-neretvanski kanton 4.955; Srednjobosanski kanton 4.710; Zapadnohercegovački kanton 1.855; Hercegbosanski kanton 1.697; Posavski kanton 862 i Bosansko-podrinjski kanton 864 uposlenika). U odnosu na prethodnu godinu broj uposlenika, koji se finansiraju iz budžeta kantona, povećan je za 6,57%. Osim Zapadnohercegovačkog kantona zabilježeno je povećanje uposlenih u svim kantonima. Na uposlene u ustanovama obrazovanja, policije i sudstva odnosi se 44.526 uposlenih ili 90,39%.

Pregled izvršenja budžeta po kantonima za 2008. godinu u odnosu na 2007. godinu je slijedeći:

R. Br.	Naziv kantona	Izvršenje 2007. god.	Izvršenje 2008. god.	Indeks (4/3)x100
1	2	3	4	5
1.	Kanton Sarajevo	712.184.429	777.473.269	109,16
2.	Tuzlanski kanton	308.096.511	361.982.588	117,49
3.	Zeničko-dobojski kanton	228.600.955	263.903.500	115,44
4.	Unsko-sanski kanton	172.019.639	195.822.778	113,84
5.	Hercegovačko-neretvanski kanton	135.969.929	165.991.731	122,08
6.	Srednjobosanski kanton	136.762.874	157.326.491	115,04
7.	Zapadnohercegovački kanton	67.843.220	69.791.681	102,87
8.	Hercegbosanski kanton	43.691.834	51.788.751	118,53
9.	Posavski kanton	33.196.727	34.312.182	103,36
10.	Bosansko-podrinjski kanton	36.691.027	39.605.916	107,94
	<b>Ukupno</b>	<b>1.875.057.145</b>	<b>2.117.998.887</b>	<b>112,96</b>

U slijedećem tabelarnom prikazu daje se pregled kantona i datih mišljenja o finansijskim izvještajima za 2008. godinu:

Redni broj	Naziv kantona	Iskazano mišljenje					Očitovanje subjekta revizije
		Beuslovno	Isticanje predmeta	Uslovno	Nepovoljno	Suzdržano	
1	Tuzlanski kanton			X			DA
2	Zeničko-dobojski kanton			X			DA
3	Unsko-sanski kanton				X		DA
4	Srednjobosanski kanton			X			DA
5	Posavski kanton			X			DA
6	Hercegbosanski kanton			X			DA
7	Bosansko-podrinjski kanton			X			DA
8	Hercegovačko-neretvanski kanton			X			DA
9	Zapadno-hercegovački kanton				X		DA
10	Kanton Sarajevo				X		DA
	<b>UKUPNO</b>	<b>0</b>	<b>0</b>	<b>7</b>	<b>3</b>	<b>0</b>	<b>10</b>

Kao što se vidi, iz naprijed navedene tabele, sedam kantona je dobilo uslovno mišljenje, dok su tri kantona dobila nepovoljno mišljenje. Svih 10 subjekata očitovalo se na Nacrt izvještaja u ostavljenom roku.

### 6.3 Sektor za finansijsku reviziju zavoda, fondova, općina i agencija

U 2009. godini Ured za reviziju institucija u FBiH planirao je i izvršio reviziju finansijskih izvještaja za 2008. godinu kod 15 korisnika, čiji ukupni prihodi i primici iznose 1.622.479.823 KM, a broj uposlenih 2044.

Od ukupno navedenih 15 korisnika, 2 korisnika su vanbudžetski fondovi, čiji ukupni prihodi i primici iznose 1.524.639.325 KM, a broj uposlenih 951, a 13 korisnika su općine čiji ukupni prihodi i primici iznose 97.840.498 KM sa ukupnim brojem uposlenih od 1093.

U slijedećem tabelarnom prikazu daje se pregled revizija koje je izvršio Sektor za finansijsku reviziju zavoda, fondova, općina i agencija i datih mišljenja o finansijskim izvještajima za 2008. godinu:



Redni broj	Naziv subjekta	Iskazano mišljenje					Očitovanje subjekta revizije
		Bezuslovno	Isticanje predmeta	Uslovno	Nepovoljno	Suzdržano	
1	Federalni zavod MIO/PIO			X			DA
2	Federalni zavod za zapošljavanje			X			DA
3	Općina Jablanica			X			DA
4	Općina Zavidovići			X			NE
5	Općina Čapljina			X			NE
6	Općina Banovići			X			DA
7	Općina Odžak				X		DA
8	Općina Goražde			X			DA
9	Općina Sanski Most			X			DA
10	Općina Velika Kladuša			X			DA
11	Općina Drvar				X		DA
12	Općina Grude			X			DA
13	Općina Tešanj			X			DA
14	Općina Široki Brijeg					X	DA
15	Općina Kiseljak			X			Da
	<b>UKUPNO</b>	<b>0</b>	<b>0</b>	<b>12</b>	<b>2</b>	<b>1</b>	<b>13</b>

Kako se vidi, iz naprijed navedene tabele, od ukupno 15 revidiranih subjekata, kod 12 je izraženo uslovno mišljenje, 2 su dobila nepovoljno mišljenje, a kod jednog subjekta je izraženo suzdržano mišljenje.

Očitovanje na Nacrt izvještaja u ostavljenom roku dostavilo je 13 korisnika, dok se dva korisnika nisu očitovala.

#### 6.4 Sektor za finansijsku reviziju javnih preduzeća

Ured za reviziju institucija u FBiH, u 2009. godini planirao je i izvršio reviziju finansijskih izvještaja za 2008. godinu kod 14 preduzeća sa većinskim vlasništvom države (50%+1 dionica). Revizija je planirana kod dva preduzeća čiji je većinski osnivač i vlasnik Parlament Federacije BiH, sedam preduzeća čiji osnivač je kantonalna skupština, četiri preduzeća čiji osnivač je općinsko vijeće i jedno preduzeće čiji osnivač je gradsko vijeće. Upravljanje revidiranim preduzećima vrše osnivači direktno, ili putem prenesenih ovlaštenja na izvršne organe vlasti.

Knjigovodstvena vrijednost imovine revidiranih preduzeća je 3.6 milij. KM. Vrijednost kapitala je 3.1 milijarde KM. Obaveze preduzeća sa izvještajnim periodom iznose 547,2 miliona KM. Jedno preduzeće (Toplane Sarajevo) imaju veće obaveze od knjigovodstvene vrijednost kapitala za 15.8 miliona KM.

Revidirana preduzeća ostvarila su dobit u iznosu od 5.5 miliona KM, od čega BH Gas 3.5 miliona KM.

Pet preduzeća (Sarajevogas; Vodovod i kanalizacija Sarajevo; Vodovod i kanalizacija Tuzla; Toplane Sarajevo i Gras Sarajevo) su iskazala gubitak u poslovanju, u

ukupnom iznosu od 63.3 miliona KM, od čega Vodovod i kanalizacija Sarajevo 24,3 miliona; Toplane Sarajevo 15.3 miliona i Gras Sarajevo 16,8 miliona KM.

Potraživanja od osnovne djelatnosti revidiranih preduzeća iznose 252,3 miliona KM, od čega su u Sarajevogasu 79,3 miliona KM; BH Gasu 51,9 miliona KM; Vodovod i kanalizacija Tuzla 23,1 milion KM; Grijanje Zenica 22,1 milion KM; Toplane Sarajevo 21,5 miliona KM; Vodovod Mostar 14,3 miliona KM i Centralno grijanje Tuzla 11.3 miliona KM. Nenaplaćena potraživanja su osnovni razlog nelikvidnosti ovih preduzeća, ali i lošeg poslovanja.

Gotovina na dan izvještavanja iznosila je 120.1 milion KM, a najveći iznos (cca 70%) novčanih sredstava imala je Direkcija cesta Sarajevo.

Ukupan prihod iznosi 679,2 miliona KM, a najveći prihod imao je BH Gas 205,4 miliona KM.

Ukupni troškovi poslovanja su 737,1 milion KM, a pet preduzeća ima veće troškove od zarade, tako da su iskazali gubitak u poslovanju.

Sa izvještajnim periodom u revidiranim preduzećima, bilo je uposleno 6.358 uposlenika, od čega u Grasu 1.989; Radu 1.248 i Vodovodu i kanalizaciji 1.035.

U slijedećem tabelarnom prikazu daje se pregled preduzeća i datih mišljenja o finansijskim izvještajima za 2008. godinu:

Redni broj	Naziv javnog preduzeća	Iskazano mišljenje					Očitovanje subjekta revizije
		Bezuslovno	Isticanje predmeta	Uslovno	Nepovoljno	Suzdržano	
1	JP Direkcija cesta Federacije BiH d.o.o. Sarajevo			X			DA
2	BH Gas d.o.o.Sarajevo			X			DA
3	KJKP Rad d.o.o. Sarajevo			X			DA
4	KJKP Sarajevogas d.o.o. Sarajevo			X			DA
5	KJKP Toplane d.o.o. Sarajevo			X			DA
6	KJKP Gras d.o.o. Sarajevo				X		DA
7	KJKP Pokop d.o.o. Sarajevo		X				DA
8	JP Grijanje d.o.o. Zenica				X		DA
9	Centralno grijanje d.d. Tuzla				X		DA
10	JKP Vodovod i kanalizacija Tuzla			X			DA
11	KJKP Vodovod i kanalizacija d.o.o. Sarajevo			X			DA
12	„Vodovod“ društvo za vodovod i kanalizaciju d.o.o. Mostar				X		NE
13	KJKP Park d.o.o. Sarajevo			X			DA
14	JP Vodovod d.o.o. Bihać			X			DA
	<b>UKUPNO</b>	<b>0</b>	<b>1</b>	<b>9</b>	<b>4</b>	<b>0</b>	<b>13</b>

Finansijski izvještaji revidiranih preduzeća, ni u jednom slučaju, nisu dobili pozitivno mišljenje revizora. Jedno preduzeće je dobilo mišljenje sa isticanjem predmeta, devet preduzeća dobilo je uslovno mišljenje, dok su četiri preduzeća dobila nepovoljno mišljenje revizora. Jedno preduzeće se nije očitovalo na Nacrt revizijskog izvještaja u ostavljenom roku.

## 6.5 Revizijsko mišljenje u revizijskim izvještajima

Revizijsko mišljenje ima standardiziranu formu (ISA 700 i 701; INTOSAI tačka 165), a potpisuje ga Menadžment Ureda za reviziju. Napomene uz revizijsko mišljenje se potpisuju u skladu sa pravilima svake od vrhovnih revizijskih institucija.


Prema Vodiču za reviziju javnog sektora, a u skladu sa ISA 700, 701 i ISSAI 400, zavisno od revizijskog nalaza i ocjena, revizijsko mišljenje može biti:

- Pozitivno (bez kvalifikacija)
- Sa skretanjem pažnje (isticanje predmeta)
- Sa kvalifikacijama (rezerva/uslovno i negativno)
- Suzdržavanje od davanja mišljenja

Pregled iskazanih revizijskih mišljenja po grupacijama korisnika Budžeta, za 2008. godinu dat je u slijedećoj tabeli:

R. br.	Korisnik budžeta	Iskazano mišljenje					Ukupno revidiranih subjekata
		Pozitivno	Isticanje predmeta	Uslovno	Negativno	Suzdržano	
	1	2	3	4	5	6	7
1	Federalne institucije	-	1	25	3	-	29
2	Kantoni i kantona. Institucije	-	-	7	3	-	10
3	Općine	-	-	10	2	1	13
4	Vanbudžetski korisnici	-	-	2	-	-	2
5	Javna preduzeća	-	1	9	4	-	14
6	Revizija učinka	-	-	-	-	-	-
	<b>Ukupno</b>	-	2	53	12	1	68

Grafički prikaz strukture datih mišljenja revidiranim subjektima po grupacijama za 2008. godinu



---

## 7 Sektor za reviziju učinka

U septembru 2009. godine završena je revizija učinka na temu:

**„Efikasnost nadležnih institucija u procesu plasiranja federalnih podsticaja u primarnoj poljoprivrednoj proizvodnji“**, za koju su prikupljeni podaci i informacije od 21 institucije na federalnom i kantonalnom nivou. Pri izradi izvještaja konsultovani su i stručnjaci iz navedene oblasti. Prije završetka konačnog izvještaja održana je fokus grupa, u čijem radu su učestvovala sve pozvane institucije sa kojima je revizijski tim kontaktirao u toku provođenja glavne studije. Na fokusnoj grupi je obavljena rasprava o nalazima do kojih je revizijski tim došao u toku rada na glavnoj studiji. Konačan izvještaj je dostavljen svim klijentima vezanim za ovu reviziju, Vladi Federacije i Parlamentu FBiH.

U toku oktobra 2009. godine završena je revizija učinka na temu:

**„Upravljanje vremenom u procesu eksproprijacije nekretnina pri izgradnji dionica na Koridoru Vc“**, koja je obuhvatila 12 institucija na općinskom i federalnom nivou. U radu su konsultovani i stručnjaci iz navedene oblasti. Održana je i fokus grupa, prije završetka konačnog izvještaja, na koju su pozvane sve institucije sa kojima je revizijski tim kontaktirao u toku provođenja studije. Na istoj je obavljena rasprava o nalazima do kojih je revizijski tim došao u toku rada na glavnoj studiji. Konačan izvještaj je, također, dostavljen svim klijentima vezanim za ovu reviziju, Vladi Federacije i Parlamentu FBiH.

Izvještaje su uradila dva revizijska tima sa po dva člana. Tokom izrade izvještaja stručnu podršku revizorima u radu dali su predstavnici Švedskog državnog ureda za reviziju. Istovremeno, sa radom na revizijama, vršena je i obuka revizora učinka od strane Švedskog državnog ureda za reviziju (SNAO).

Revizijski timovi, nakon objavljivanja konačnih izvještaja, počeli su sa predstudijskim istraživanjima vezanim za naredne teme: „Upravljanje javnim dobrima u Federaciji, nadzor nad naplatom i potrošnjom sredstava od koncesionih naknada“ i „Pružanje zdravstvene zaštite u domovima zdravlja u FBiH“. Nastavljena je saradnja sa Švedskim državnim uredom za reviziju, kako na edukaciji timova, tako i kod provođenja predstudijskih istraživanja.

Tokom 2009. godine donesena je Odluka o usvajanju „Principa revizije učinka“ od strane Koordinacionog odbora VRI, a aktivnu ulogu u izradi ovog dokumenta dali su revizori ovog sektora.

## 8 Sektor za informacionu tehnologiju

Za obzbjeđenje adekvatne IT podrške poslovnim i radnim procesima u Uredu za reviziju nadležan je i odgovoran IT sektor.

Svi računarski resursi u područnim uredima i Uredu u Sarajevu povezani su u lokalne računarske klijent server mreže, koje su putem Interneta i komunikacijskih linija telekoma povezani u jedinstvenu računarsku mrežu Ureda, sa centralizovanim administriranjem u Uredu u Sarajevu.

Uposlenici Ureda za reviziju koriste računare za svakodnevne poslovne aktivnosti i imaju obezbjeđen pristup mreži i Internetu, a poslovna komunikacija, interna i eksterna, se obavlja putem e-maila.

## 8.1 Implementacija IT strategije i ostale IT aktivnosti

U izvještajnoj godini izrađen je strateški plan IT razvoja za period 2010-2012. za sva tri VRI-a u BiH kojeg je usvojio Koordinacioni odbor VRI BiH čime su određene smjernice i prioriteti IT razvoja u skladu sa poslovnom strategijom VRI-a.

U toku godine završeno je planirano proširenje hardversko softverske infrastrukture Ureda.

Ranija infrastruktura bila je bazirana na Microsoftovoj platformi MS Small Business Serveru 2000 i najvećim dijelom se sastojala od hardvera koji je donirala SIDA krajem 2003. godine, koji je dopunjavan opremom kupljenom iz vlastitih sredstava.

Početkom godine obezbijedene su licence za operativne sisteme za Windows Server 2008 platformu pod uvjetima iz ugovora o strateškom partnerstvu Vlade FBiH i Microsofta i nakon čega su nastavljene aktivnosti na implementaciji nove virtualizirane IT infrastrukture: instalacija virtualizacijskog softvera, operativnih sistema, konfiguraciji servisa, proširenje WAN veza sa područnim uredima.

Poboljšanjima na IT infrastrukturi prevaziđeni su ograničenja broja korisnika i uređaja, koji su se mogli povezati na sistem i obezbijedena stalabilnost sistema, brži rad i kraći odziv sistema, viši nivo sigurnosti i preduvjeti za implementacija novih servisa i softvera za upravljanje procesom revizije.

Nabavljena je oprema za novouposlene revizore i zanovljen dio zastarjele opreme.

Produžene su licence za implementirani antivirusni softver za narednu godinu, a ugovoreno je održavanje hardvera, sistemskog softvera i help deska.

Svi revizijski izvještaji, izrađeni u toku godine, su pripremljeni i objavljeni na web - stranici Ureda za reviziju.

Rađene su kompjuterske pripreme za štampu Javnog revizijskog izvještaja i ostalih materijala koji su štampani u toku godine.

## 8.2 IT revizija u funkciji finansijske revizije

Ured za reviziju je vršio IT revizije u funkciji finansijske revizije, uz primjenu Vodiča za IT reviziju i u skladu sa COBIT standardima i najboljim IT praksama (ISO 27002).

Revidirane su grupe klijenata iz Plana revizija za izvještajnu godinu i to korisnici budžeta FBiH i javna preduzeća, po Planu i na zahtjev revizijskih timova.

Kao i ranijih godina najvažniji nalaza iz IT segmenta su:

- Nedostatak strategijskog planiranja IT razvoja;
- IT projekti premašuju plan budžeta, vremena i sredstava ili se ne implementiraju u cijelosti;
- Nivoi sigurnosti IT sistema su ispod važećih sigurnosnih standarda.

Ured za reviziju je dao i preporuke:

- Planirati IT razvoj u skladu sa poslovnom strategijom,
- Obezbijediti potrebne preduvjete za implementaciju već usvojenih strategija IT razvoja,
- Izvršiti usklađivanje nivoa IT sigurnosti sa važećim IT sigurnosnim standardima.

Kao dio planiranih aktivnosti iz Projekta saradnje sa SNAO-om izvršena je IT misija IT revizora iz SNAO kojom je ocijenjen proces vršenja IT revizije u sva tri VRI-a u BiH i date korisne sugestije IT revizorima.

## 9 Odjeljenje za pravne i opće poslove

U Odjeljenju za pravne i opće poslove, u 2009. godini, obavljali su se poslovi od značaja za ostvarivanje zadataka generalnog revizora i zamjenika generalnog revizora, u segmentu koji se odnosi na poslove i zadatke ovog odjeljenja. Tokom cijele protekle godine praćena je primjena zakona, općih akata i drugih propisa, a Odjeljenje je obavljalo i poslove koji se odnose na prava, obaveze i odgovornosti uposlenika Ureda za reviziju, zatim sve poslove u vezi sa rješavanjem o svim pravima i dužnostima uposlenika, koji se odnose na radne odnose i poslove personalne evidencije, poslove u vezi sa statusnim pitanjima uposlenika Ureda za reviziju, planiranje i organizacija provođenja javnih nabavki i ostvarivanja saradnje sa drugim organizacijskim jedinicama.

Odjeljenje za pravne i opće poslove je u 2009. godini izvršilo i sve pripremne aktivnosti vezane za prijem dva uposlenika Ureda za reviziju (Revizor za finansijsku reviziju) i 2 pripravnika, a učestvovalo je u izradi i donošenju izmjena i dopuna internih akata Ureda za reviziju (Pravilnik o plaćama, naknadama plaća i drugim materijalnim pravima; Pravilnik o uslovima i načinu korištenja službenih putničkih automobila; Pravilnik o načinu korištenja i upotrebi mobilnih i fiksnih telefona; Pravilnik o postupku direktnog sporazuma; Pravilnik o čuvanju i upotrebi pečata; Pravilnik o kancelarijskom poslovanju), a obavljalo je i druge poslove iz nadležnosti Odjeljenja.

### 9.1 Kadrovi


Na dan 31.12.2009. godine u Uredu za reviziju ukupno su uposlena 54 uposlenika.

Ukupna struktura uposlenih u Uredu u Sarajevu i područnim uredima u Bihaću, Tuzli i Mostaru je slijedeća:

Redni br.	Radno mjesto	Izvršilaca
1.	Menadžment	2
2.	Direktor sektora	4
3.	Viši revizor	4
4.	Revizor za finansijsku reviziju	18
5.	Mlađi revizor za finansijsku reviziju	1
6.	Pomoćnik u finansijskoj reviziji	5
7.	Revizor za reviziju učinka	2
8.	Mlađi revizor za reviziju učinka	1
9.	Pomoćnik za reviziju učinka	1
10.	Rukovodilac komunikacija	1
11.	Šef Odjeljenja za fin. račun. Poslove	1
12.	Stručni saradnik za pravne poslove	1
13.	Pripravnik	2
14.	Referent za račun.- materijl. Poslove	1
15.	Referent za obračun plaće i blag.posl.	1
16.	Referent za arhivu i biblioteku	1
17.	Administrator IT sistema	1
18.	Mlađi referent-tehnički sekretar	4
19.	Vozač	2
20.	Namještenik za održavanje čistoće	1
<b>Ukupno</b>		<b>54</b>

U slijedećoj tabeli prikazan je broj uposlenih po stručnoj spremi u sva četiri ureda:

Organizacijska shema	Broj uposlenih po stručnoj spremi, po uredima					Ukupno:
	Dr.	VSS	VŠS	SSS	NS	
<b>Ured Sarajevo</b>	1	29	1	4		35
<b>Područni ured Mostar</b>		7		2	1	10
<b>Područni ured Bihać</b>		3		2		5
<b>Područni ured Tuzla</b>		3		1		4
<b>Ukupno :</b>	<b>1</b>	<b>42</b>	<b>1</b>	<b>9</b>	<b>1</b>	<b>54</b>



## 9.2 Javne nabavke

U sklopu aktivnosti iz oblasti javnih nabavki, u 2009. godini Ured za reviziju je:

- Izvršio sve aktivnosti vezane za godišnju nabavku za 2010. godinu.
- Ured za reviziju je u protekloj godini sklopio 23 pojedinačna ugovora vezano za javne nabavke i to: nabavka putničkog automobila po principu „staro za novo“, nabavka usluga osiguranja osiguranje imovine, lica i službenih automobila Ureda za reviziju za 2009. godinu, nabavka računarske opreme, nabavka usluga štampe, kopiranja i knjigovezačkih usluga, održavanje i servisiranje vozila i nabavka autoguma, održavanje kompjuterske opreme, produženje licenci, održavanje sistemskog softvera i help desk, nabavka usluga smještaja osoblja Ureda za reviziju institucija u FBiH, nabavka goriva, nabavka kancelarijskog materijala, nabavka tonera, nabavka polica, rekonstrukcija vodovodnih instalacija u Tuzli, čišćenje prostorija u Uredu u Bihaću i Tuzli, čišćenje klime u Mostaru.

---

## **10 Odjeljenje za finansijsko-računovodstvene poslove**

U 2009. godini Odjeljenje za finansijsko-računovodstvene poslove blagovremeno je obavilo sve tekuće računovodstveno-finansijske poslove, uz praćenje i osiguravanje pravilne primjene zakona i provođenje propisa iz oblasti računovodstva i finansija. Odjeljenje je izradilo prijedlog plana budžeta Ureda za reviziju, kao i druge izvještaje u skladu sa Zakonom o budžetima u FBiH i Pravilnikom o finansijskom izvještavanju i godišnjem obračunu budžeta u Federaciji Bosne i Hercegovine. Izrađen je godišnji obračun za 2009. godinu, kao i izvještaj o finansijskom poslovanju Ureda za reviziju za 2009. godinu. Odjeljenje je kontinuirano obavljalo i sve druge poslove, koji se odnose na uposlenike, a u nadležnosti su ovog odjeljenja, kao i sve druge poslove i evidencije koji se rade unutar Odjeljenja.

### **10.1 Finansijsko poslovanje Ureda za reviziju u 2009. godini**

U skladu sa članom 5. Zakona o reviziji institucija u Federaciji BiH («Službene novine Federacije BiH» broj: 22/06), sredstva za rad Ureda za reviziju osiguravaju se u Budžetu Federaciji Bosne i Hercegovine.

U skladu sa Zakonom o budžetima u Federaciji Bosne i Hercegovine, planiranje sredstava Ureda za reviziju zasniva se na Dokumentu okvirnog budžeta, koji obuhvata najmanje fiskalnu godinu i dvije naredne fiskalne godine.

Izrada Prijedloga budžeta Ureda za reviziju, vrši se za rashode i izdatke predviđene za trogodišnji period (budžetsku godinu i naredne dvije), na realnim procjenama troškovnih pozicija, prema broju i strukturi uposlenih, planu prijema novih uposlenika, obezbjeđenju uslova i nabavku potrebnih sredstava za rad, kako bi se poslovi i zadaci mogli obavljati blagovremeno i prema postavljenom planu rada Ureda za reviziju.

Usvojenim Budžetom Federacije Bosne i Hercegovine za 2009. godinu 30.12.2008. godine, odobrena su sredstva iz Budžeta Federacije Bosne i Hercegovine za 2009. godinu, Uredu za reviziju, u iznosu od 2.477.780,00 KM.

Izmjenama i dopunama Budžeta Federacije Bosne i Hercegovine za 2009. godinu 31. 07. 2009. godine, (Prvi rebalans), odobrena su sredstva za plaće i doprinose poslodavca u iznosu od 339.118,00 KM, a umanjenja su sredstava na pozicijama za izdatke za materijal i usluge u iznosu od 155.578,00 KM.

Zbog nedovoljno odobrenih sredstava za plaće i naknade i nedostatnih sredstava na pozicijama za Izdatke za materijal i usluge, u skladu sa zakonskom procedurom i zahtjevom Ureda za reviziju, odobrena su sredstva iz Tekuće rezerve, Odlukom Vlade Federacije Bosne i Hercegovine, V broj 761/09, 25. oktobra 2009. godine, u iznosu od 336.836,00 KM.

Usvajanjem, Izmjena i dopuna budžeta za 2009. godinu (Drugi rebalans), odobrena sredstva iz Tekuće rezerve uključena su u Budžet Ureda za reviziju.

Na zahtjev Ureda za reviziju unutrašnja preraspodjela sredstava, Rješenjem Federalnog ministarstva finansija/finansija broj: o6-14-8619/09, izvršena je i sa pozicija ek.kod. 612100 – Doprinosi poslodavca u iznosu od 5.000,00 KM i pozicije ek.kod 613200 – Izdaci za energiju u iznosu od 2.000,00 KM, na poziciju ek.kod. 613900 – Ugovorene usluge u iznosu 7.000,00 KM.



**IZVJEŠTAJ O POSLOVANJU UREDA ZA REVIZIJU INSTITUCIJA U FBiH ZA 2009. GODINU**

Ukupno odobreni budžet Ureda za reviziju, za 2009. godinu po Drugom rebalansu iznosio je 2.998.156,00 KM.

Ukupno su ostvareni rashodi i izdaci Ureda za reviziju u 2009. godini u iznosu 2.808.779,00 KM.

Izvršenje budžeta za 2008. godinu iznosi 93,68% u odnosu na odobrena sredstva.

## 10.2 Izvršenje budžeta Ureda za reviziju za 2009. godinu

U slijedećoj tabeli daje se hronološki prikaz odobravanja budžeta Uredu za reviziju i izvršenje budžeta po troškovnim pozicijama:

R. B.	Konto	O P I S	Odobreni Budžet za 2009. godinu	I Rebalans	II Rebalans/ tekuća rezerva	Ukupno odobrena sredstva /2009.g	Ostvareni rashodi i izdaci za 2009g.	Indeks (7:6)
1.		2.	3.	4.	5.	6.	7.	8
1.	611	Plaće i naknade troškova uposlenih	<b>1.771.930</b>	<b>282.741</b>	<b>137.850</b>	<b>2.192.521</b>	<b>2.107.414</b>	96,12
	6111	Bruto plaće i naknade	1.573.065	286.380	110.500	1.969.945	1.900.782	96,49
	6112	Naknade troškova uposlenih	198.865	- 3.639	27.350	222.576	206.686	92,86
2.	6121	Doprinosi poslodavca i ostali doprinosi	<b>173.442</b>	<b>56.377</b>		<b>224.819</b>	<b>200.951</b>	89,38
	6121	Doprinosi poslodavca	173.442	56.377		224.819	200.951	89,38
3.	613	Izdaci za materijal i usluge	<b>432.408</b>	<b>-155.578</b>	<b>198.986</b>	<b>480.816</b>	<b>409.008</b>	85,07
	6131	Putni troškovi	162.044	-62.061	62.061	162.044	161.967	99,95
	6132	Izdaci za energiju	45.075	-17.265	30.700	56.510	42.807	75,75
	6133	Izdaci za komunalne usluge	57.355	-21.968	29.050	64.437	48.308	74,97
	6134	Nabavka materijala	19.668	0	16.000	35.668	29.506	82,72
	6135	Izdaci za usluge prevoza i goriva	30.123	-11.537	14.537	33.123	22.982	69,38
	6136	Unajmljivanje imovine i opreme	6.530	0	1.882	8.412	8.405	99,92
	6137	Izdaci za tekuće održavanje	57.454	-22.004	22.004	57.454	36.343	63,26
	6138	Izdaci osiguranja, bankarskih usluga	13.174	-5.045	7.054	15.183	14.794	97,44
	6139	Ugovorene usluge	40.985	-15.698	15.698	47.985	43.896	91,48
4.	614	Grantovi višim nivoima	0					0
	6141	Grant za Koordinacioni odbor	0					0
5.	821	Izdaci za nabavku stalnih sredstava	<b>100.000</b>			<b>100.000</b>	<b>91.406</b>	91,41
	8213	Nabavka opreme	100.000			100.000	91.406	91,41
		<b>UKUPNO</b>	<b>2.477.780</b>	<b>183.540</b>	<b>336.836</b>	<b>2.998.156</b>	<b>2.808.779</b>	<b>93,68</b>

---

## **11 Odsjek za ljudske resurse, komunikacije i međunarodne odnose**

Aktivnosti Odsjeka za ljudske resurse, komunikacije i međunarodnu odnose u 2009. godini bio je usmjeren na unapređenje kadrovske politike, pripremne aktivnosti na izradi strateškog plana stručnog osposobljavanja osoblja, praćenju radne učinkovitosti osoblja, kontrole kvaliteta rada, promovisanja principa Etičkog kodeksa revizora i Kodeksa poslovnog ponašanja, kao i ukupnog razvoja Ureda za reviziju.

Sa aspekta HRM u 2009. godini posebna pažnja posvećena je stručnom usavršavanju i osposobljavanju osoblja Ureda za reviziju i stvaranju optimalnih uslova za nesmetani rad.

Krajem 2009. godine Koordinacioni odbor vrhovnih institucija za reviziju usvojio je „Strategiju obuke kadrova u vrhovnim revizijskim institucijama u Bosni i Hercegovini“. U izradi ovog strateškog dokumenta sudjelovali su predstavnici sve tri vrhovne revizijske institucije u Bosni i Hercegovini.

### **11.1 Edukacija uposlenih**

Ured za reviziju, od svog osnivanja posebnu pažnju posvećuje kontinuiranoj obuci svih uposlenika i u tom pogledu rukovodstvo Ureda za reviziju nastoji osigurati svim uposlenicima stručnu edukaciju, iz domena djelatnosti koju obavljaju. Stručno osposobljavanje se izvodi uz poštivanje principa da svi uposlenici imaju istu mogućnost da budu educirani, bilo da se radi o eksternoj edukaciji, ili unutrašnjoj, u organizaciji Ureda za reviziju. Uposlenicima je omogućena i interna edukacija, uz korištenje raspoložive stručne literature, koju obezbjeđuje Ured za reviziju.

U 2009. godini stručno osposobljavanje uposlenih vršilo se:

- Eksternom edukacijom uposlenih;
- Internom edukacijom uposlenih;
- Ostalom edukacijom uposlenih.

#### **11.1.1 Eksterna edukacija uposlenih**

Eksterna edukacija, u organizaciji Švedskog državnog ureda za reviziju, predviđena «Planom projektnih aktivnosti za 2009. godinu» (usvojenim od strane VRI-a u BiH i Švedskog državnog ureda za reviziju), vršena je tokom cijele godine i uglavnom se odnosila na reviziju učinka. Navedena edukacija, obuhvatila je osposobljavanje revizora učinka, uz istovremeno provođenje dviju revizija učinka. Predstavnici Švedskog državnog ureda za reviziju imali su stalnu koordinaciju sa Uredom za reviziju i po potrebi su održavali zajedničke sastanke i radionice sa revizorima Ureda za reviziju, a također su dali određeni doprinos u radu zajedničkih radnih grupa na nivou VRI-a u BiH, koje je imenovao Koordinacioni odbor institucija za reviziju u BiH.

Suradnja sa Švedskim državnim uredom za reviziju, proistekla iz Projekta institucionalne suradnje na reviziji javnog sektora između vrhovnih revizijskih institucija u Bosni i Hercegovini i Švedskog državnog ureda za reviziju, koja je podrazumijevala i edukaciju osoblja u uredima za reviziju u BiH, s uspjehom je okončana krajem 2009. godine. Aktivnosti na daljnjoj edukaciji od strane Švedskog državnog ureda za reviziju, najvjerojatnije će se nastaviti i u 2010. godini, i to u okviru razvoja revizije učinka. Za ove projektne aktivnosti potpisat će se poseban ugovor između vrhovnih revizijskih institucija u BiH i Švedskog državnog ureda za reviziju.

U toku 2009. godine Ured za reviziju je uposlenicima omogućio prisustvovanje na 11 eksternih seminara iz oblasti računovodstva i revizije i tim seminarima su u prosjeku prisustvovala po dva uposlenika.

### **11.1.2 Interna edukacija uposlenih**

Interna edukacija uposlenih se odvijala kontinuirano tokom godine, uz redovan rad, putem uputstava i smjernica. Interna edukacija se odnosila na upoznavanje revizora sa značajnim pitanjima iz oblasti revizije i ostalih uposlenih sa važećim zakonskim i drugim propisima, kako bi se postigla bolja osposobljenost osoblja u cilju djelotvornijeg i efikasnijeg obavljanja planiranih aktivnosti u 2009. godini, kao i ostalog unaprjeđenja rada, kroz dogradnju metodologije revizijskog rada i svih drugih elemenata neophodnih za izradu što kvalitetnijeg revizijskog izvještaja.

### **11.1.3 Ostala edukacija uposlenih**

- Različiti ad hoc seminari i radionice po pozivu domaćih i međunarodnih institucija iz oblasti računovodstva i revizije (36 radionica);
- Eksterni i interni radni sastanci vezano za nacрте zakona;
- Učešće na simpozijima i godišnjim skupovima strukovnih udruženja (ovlašteni revizori, interni revizori);
- Edukacija uposlenika u pravnoj službi iz oblasti radnih odnosa i javnih nabavki;
- Edukacija osoblja, na seminarima iz oblasti moderne organizacije i komunikacije u skladu sa Evropskim principima;
- Edukacija iz oblasti IT;
- Edukacija o kancelarijskom i arhivskom poslovanju itd.

## **11.2 Komunikacijska politika**

Prema usvojenoj Komunikacijskoj politici VRI-a u BiH, Planu komunikacija na nivou VRI-a BiH, Politike komunikacija Ureda za reviziju sa okolinom, Vodiča za pristup informacijama, Procedura u odnosima s medijima i Zakona o slobodi pristupa informacijama u FBiH, Ured za reviziju je u 2009. godini kontinuirano obavljao i unapređivao poslove iz domena eksterne i interne komunikacije (klijenti, Parlament FBiH, Vlada FBiH, Parlamentarna komisija odgovorna za reviziju, javnost, uposlenici) uz operativnu realizaciju aktivnosti, po ciljnim grupama, koje su zacrtane u Planu komunikacija VRI-a BiH.

*Institucionalna komunikacija Ureda za reviziju*, uz upravljanje informacijama, imala je za cilj praćenje i redovno procjenjivanje stavova i mišljenja javnosti o radu Ureda za reviziju, kao i promovisanju rada Ureda za reviziju, putem predstavnika medija i prezentacije putem Web – stranice Ureda za reviziju.

*Komunikacija sa ciljnim grupama*, koju je Ured za reviziju ostvarivao tokom protekle godine, bila je bazirana na principima:

- Što otvorenija komunikacija, vodeći računa o nadležnosti Ureda za reviziju;
- Ostvarena tako da sve osobe i institucije, koje su uključene u proces revizije primaju iste informacije;
- Ostvarena tako da se prave informacije pružaju blagovremeno.

---

*Ostale aktivnosti iz domena komunikacija* odnosile su se na kontakte sa sveukupnom javnošću (po zahtjevima institucija, organa, tijela, pojedinaca, medija, ili samoinicijativna po procjeni Ureda za reviziju-preko 250), kao i na pisanu korespondenciju sa eksternim subjektima po njihovim različitim upitima i zahtjevima (preko 100 pismenih korespondencija).

Uz tekuće aktivnosti iz oblasti komunikacija, operativnom realizacijom Plana u 2009. godini, Radna grupa imenovana od strane Koordinacionog odbora institucija za reviziju BiH, koju sačinjavaju predstavnici sve tri vrhovne revizijske institucije u BiH radila je na:

- Izradi Brošure o VRI-ma BiH;
- Izradi Brošure u koordinaciji sa USAID-PARE o ulozi i značaju vrhovnih institucija za reviziju javnog sektora u BiH u kontroli trošenja javnih sredstava;
- Strategija obuke kadrova u VRI-ma u BiH;
- Izlazna strategija Projekta suradnje između VRI u BiH i SNAO;
- Retrospektiva-Projekt institucionalne suradnje između VRI-a u BiH i SNAO 2000-2009;
- Aktivnosti na pripremi sertifikata SNAO za osoblje VRI-a, koje je prošlo edukaciju u organizaciji Švedskog državnog ureda za reviziju.

### **11.3 Međunarodna saradnja**

Na polju međunarodne saradnje Ured za reviziju je imao međunarodne kontakte, (po zahtjevima međunarodnih institucija, inicijativa, ili potreba, koji su prethodno procijenjeni u odnosu na nadležnost Ureda za reviziju, ili su se odvijali prema odlukama Koordinacionog odbora VRI-a BiH, koji, između ostalog, utvrđuje zajedničku i strategiju VRI-a u BiH u odnosu na međunarodnu saradnju i određuje zastupanja u međunarodnim tijelima.

Najčešća saradnja u 2009. godini ostvarena je sa Švedskim državnim uredom za reviziju (SNAO), koji pruža podršku na projektu institucionalne saradnje na reviziji javnog sektora, što je naročito omogućilo stjecanje savremenih znanja i usvajanja praksi iz oblasti revizije učinka. Koordinacioni odbor vrhovnih institucija za reviziju u Bosni i Hercegovini je u skladu sa Projektom međunarodne razvojne saradnje usvojio Plan implementacije Projekta saradnje između VRI-a BiH i SNAO za 2009. godinu i od tada su intenzivirane aktivnosti vezane za rad radnih grupa imenovanih od strane Koordinacionog odbora vrhovnih institucija za reviziju u BiH. Radne grupe su sačinjavali predstavnici sve tri vrhovne revizijske institucije u BiH, koji su dali svoj puni doprinos u radu. Iz zajedničkih aktivnosti članova radnih grupa proizašli su određeni jedinstveni dokumenti, koji se odnose na VRI-e u Bosni i Hercegovini.

Na sastanku Upravnog odbora Projekta međunarodne razvojne saradnje između revizijskih institucija Švedske i Bosne i Hercegovine, koji je održan sredinom 2009. godine, zauzet je stav o okončanju zajedničkih projektnih aktivnosti sa krajem 2009. godine. O nastavku suradnje između VRI-a u BiH i SNAO u 2010. godini, na razvoju revizije učinka, odlučit će Koordinacioni odbor vrhovnih revizijskih institucija u BiH i o tome zaključiti poseban ugovor sa Švedskim državnim uredom za reviziju.

Međunarodna saradnja odnosila se i na studijska putovanja u inozemstvo i prisustvovanja raznim kongresima, konferencijama, sastancima i seminarima radi proširivanja stručnih znanja i iskustava drugih zemalja i korisne razmjene iskustava iz oblasti koje su direktno ili indirektno vezane za obavljanje revizijske funkcije. Posebno treba istaknuti posjetu BH delegacije Sjedinjenim Američkim državama u novembru 2009. godine. Delagaciju su, između ostalih sačinjavali generalni revizori vrhovnih revizijskih institucija u BiH, a posjeta je izvršena u okviru Programa usavršavanja iz oblasti revizije, medija i zakonodavstva i sudjelovanja u radu Konferencije ICGFM (International Consortium on Government Financial Management) - Međunarodnog konzorcijuma za finansijsko upravljanje u javnom sektoru.

Uposlenici Ureda za reviziju su, kao članovi radnih grupa, u 2009. godini, u sklopu studijskih putovanja koje su obavili, doprinijeli razvoju međunarodne saradnje između ureda za reviziju u BiH i zemalja kojima su bili u posjeti.

## 12 Ostala saradnja Ureda za reviziju

U 2009. godini nastavljena je saradnju sa međunarodnim institucijama:

- Saradnja sa VRI BiH, VRI RS, VRI Brčko Distrikt,
- Švedski državni ured za reviziju (SNAO) do kraja 2009. godine – na razvoju međunarodne saradnje između vrhovnih revizijskih institucija u BiH i SNAO, sa akcentom na implementaciji projekta revizije učinka,
- OSCE – interna revizija i interna kontrola-suradnja sa parlamentima,
- EUPPP, program podrške Evropske unije sistemu javnih nabavki u BiH,
- USAID-PARE Projekat - pomoć u računovodstvu i reviziji javnih finansija i komunikacije između VRI-a u BiH i medija,
- Svjetska banka – strukturalno prilagođavanje javnog finansiranja, što je od velikog značaja za jačanje finansijske discipline, transparentnosti i odgovornosti u radu javnog sektora,
- SIGMA- Kolegijalna revizija o vrhovnim revizijskim institucijama u BiH,
- OHR-Zakoni o reviziji i druga regulativa,
- Oracle- obuka u oblasti trezorskog sistema,
- Transparency International – revizija javnog sektora – mehanizmi koordinacije,
- USAID – pružanje pravne pomoći u borbi protiv korupcije,
- EU i MM – razvoj administracije i izgradnja institucija sistema u BiH,
- Kongresi (INTOSAI, EUROSAI).

## 13 Ostale aktivnosti Ureda za reviziju

Protekla godina je bila i u znaku obaveznih aktivnosti proisteklih po dobijanju certifikacije Sistema menadžmenta kvaliteta i u tom kontekstu uloženi su maksimalni napor kako bi se zadovoljilo uslovima, koje zahtijeva Sistem menadžmenta kvaliteta prema ISO-9001:2008. U kontekstu toga vršen je nadzor nad aktivnostima koje podrazumijeva Sistem menadžmenta kvalitetom po svim segmentima, kako bi se ispunili svi zahtjevi Standarda ISO 9001:2008 i s uspjehom, u 2010. godini, nastavio primjenjivati Sistem menadžmenta kvalitetom (QMS), uz stalnu obavezu njegovog održavanja i poboljšavanja u skladu sa zahtjevima Standarda ISO 9001:2008.

---

## 14 Zaključni rezime

Cilj svih aktivnosti i zadataka koje je izvršio Ured za reviziju u 2009. godini, uz stalno unapređenje rada i kontinuiranu edukaciju osoblja za vršenje kvalitetne revizije, je kontinuirano podizanje i jačanje kvaliteta rada, osiguranje povjerenja javnosti u pouzdanost revizijskog izvještavanja, s posebnim akcentom na implementaciji preporuka revizije, koje osiguravaju pozitivne pomake u radu revidiranih subjekata, što svakako značajno utječe na disciplinu u trošenju javnog novca, povećanju odgovornosti javnih dužnosnika i povećanju efikasnosti državne administracije.

Ured za reviziju institucija u Federaciji Bosne i Hercegovine, u skladu sa zakonskim ovlaštenjima i postavljenim cviljevima u misiji i viziji svoga djelovanja želi pružiti pomoć i biti poticaj izgradnji institucija sistema u FBiH na način da predstavnicima zakonodavne i izvršne vlasti omogući ispravno djelovanje u cilju postizanja pozitivnih učinaka na dobrobit cjelokupne zajednice.

Zamjenik generalnog revizora:

**Branko Kolobarić, dipl. oec.**

**S.r.**

Generalni revizor

**Dr. sc. Ibrahim Okanović, dipl. oec.**

**S.r.**